


041  
6185  
:10





試付

宋晏元獻公殊年三十道字國寶其行楷以  
試文采愈美即此正字公字國寶其行楷以

指海軍時曰五日可公既正文字遂無五字

宋國益公必大字子京公始謂卿官果見其奏錄其具錄

奏錄其具錄

播樂器之類也

宋廖正一字陽公中樞諱五餘林始謂湖土得五一

播樂器之類也

山堂肆考臣職第十  
○史官

歷代沿革史官自黃帝有之夏商有太史周有太  
史小史內史外史而侯國亦置焉秦有太史令漢  
武帝始以司馬談為之談卒子遷嗣宣帝以其官  
為令行太史公文書其脩撰之職以他官領于是  
太史之官惟知占候而已王莽改置柱下五史後  
漢至隋惟魏明帝太和中史職隸中書省其餘多  
隸秘書省唐武德初因隋制屬秘書省著作局貞  
觀中移史館于門下省以宰相監脩自是著作局  
始罷史職其脩撰史事以他官兼領宋朝監脩國



史一人。以宰相為之。脩撰直館。檢計無常員。皆掌脩日曆。及與脩圖籍之事。凡國史。則別置院于宣徽院之東。以藏之。謂之編脩院。天聖中。脩真宗史。欲重其任。降勅宰相為提舉。叅知政事。樞密副使為脩史官。其同脩史。則以殿閣學士已上為之。編脩官。以三館秘閣校理以上。及京官充。史事畢。即停之。元豐改官制。每脩前朝國史實錄。則別置國史實錄院。元祐中。復以國史院隸門下省。紹聖中。以國史院歸秘書省。中興中。即秘書省。復建史館。以脩神哲兩朝實錄。紹興五年。又移史館于秘書省之側。別為一。所以增重其事。至九年。脩徽宗實錄。

乃即史館開實錄院。明年以正史未脩。詔罷史館。併為實錄院。其著作局。惟脩纂日曆。宰相提其大綱。檢討官搜閱校對。惟脩撰實專史職。只據所送到時政記起居注。銓次其事。排以日月。謂之日曆。紹興十八年。詔置脩國史院。脩神宗哲宗徽宗三朝正史。

書法不隱

官。左宣二年。孔子曰。董狐。古之良史也。書法不隱。按狐。晉史

文獻足徵

會要。魯史以來。文獻之實足徵。孔子因而脩之。



執簡以往

左襄二十五年。齊太史書崔杼弑其君。崔子殺之。其弟嗣書而次者二人。其弟又書。乃舍之。南史氏聞太史盡死。執簡以往。聞既書矣。乃還。注云。南史。齊史之在外者。

執書以奏

唐魏謩。字申之。徵五世孫。文宗詔遣中使取謩起居注。欲視之。謩執書奏曰。自古置史官。書事以明鑒戒。陛下但為善事。勿畏臣書。如陛下所行錯悞。臣縱不書。天下之人亦書之。

司馬繼為

漢司馬遷。繼父談為太史公。采左氏國語。刪世本戰國策。

據楚漢列時事。上自黃帝。下訖麟趾。作十二本紀。十表。八書。三十世家。七十列傳。謂之史記。藏諸名山。副在京師。至宣帝時。遷外孫楊惲。祖述其書。遂宣布焉。而十書未成。有錄而已。元成之間。會稽褚先生更補其闕。作武帝紀。三王世家。龜策。日者。列傳。劉向。楊雄。博極羣書。皆稱遷有良史之才。服其善叙事理。辯而不華。質而不俚。其文直。其事核。不虛美。不隱惡。故謂實錄。然班固則謂其采經摭傳。甚多疏略。又謂其是非頗謬于聖人。論大道。則先黃老而後六經。叙游俠。則退處士而進奸雄。述貨殖。則崇勢利而羞貧賤。此其所蔽也。

張華再典



六帖馬融三入東觀漢代稱椎張華再典史官晉朝推美

西漢書

漢司徒掾班彪以太初後史記未善采舊事徵異聞作後傳六十五篇未成而卒帝命其子固續之固以遷史所記附漢于百王之末非其體也故又獨立一史上自高祖下終王莽十有二世二百三十二卷為十二紀八表十志七十列傳其事未畢會有訟其私修史記者有詔收繫固弟超詣闕自陳固續父舊書意解乃詔固詣校書卒業至章帝建初中乃成其書共一百卷後坐竇憲事卒于獄書家音姑頗散亂其妹曹大家奉詔緝校又選高才郎馬融等十人從大家授讀其八表天文志或云是待詔馬續所作而古

今人物表頗不類本書云

東漢書

劉宋宣城太守范曄字蔚宗窮覽舊集刪煩補略作十紀十志八十傳書共一百三十卷會以罪收十志未成而卒梁劉昭因舊本補注三十卷

三國志

晉著作郎陳壽字承祚集三國史撰為國志凡六十五篇時人稱其善叙事有良史才宋文帝命中書郎裴松補注五代史

宋歐陽脩撰五代史七十五卷其法甚精書減舊史之半而事比舊史增數倍議者謂功不下司馬遷又謂其筆力



山堂集卷十一  
四  
馳騁上下。無駁雜之說。至于紀傳精密。則遷不及也。公亦嘗自謂伶官傳。豈下滑稽耶。按五代。梁唐晉漢周也。

晉書

晉書一百三十卷。紀十。志二十。列傳七十。載記三十。序例一。目錄一。唐房玄齡等奉勅脩。時太宗亦與焉。故又總之曰御撰云。

宋書

宋書一百卷。紀十。志三十。列傳六十。梁沈約撰。河東裴子野。又刪為略二十卷。趙宋治平中。南豐曾鞏等奉詔校定。政和中。頒之學宮。

南齊書

梁蕭子顯撰。南齊書五十九卷。紀八。志十一。列傳四十。趙宋曾鞏等校定。

北齊書

唐李百藥撰。書五十卷。其本紀八。列傳四十二。初李德林在齊。嘗撰著紀傳。至貞觀初。百藥續成父書。獻之。又齊魏收撰後魏書一百三十卷。其本紀十二。列傳十二。志十。趙宋劉恕等校正。

梁書

唐姚思廉撰。梁書五十六卷。本紀六。列傳五十。思廉名簡。以字行。梁史官察之子。

陳書



陳書三十六卷。姚思廉撰。本紀六。列傳三十。察在陳。嘗刪撰梁陳事。未成而卒。屬思廉繼其事。唐貞觀中。與梁書同時上之。趙宋曾鞏等校定。

周書

周書五十卷。唐令狐德芬等撰。本紀八。列傳四十二。宋仁宗時出太清樓本。合史館秘閣本。又取夏竦李巽家本校定之。其後林希王安國上其書。

隋書

隋書八十五卷。創于唐顏師古。孔穎達。而成於魏徵。于志寧。本紀五。列傳五十。長孫無忌等。又撰志三十。

南史

唐李延壽撰。南史八十卷。起于宋。盡于陳。共一百七十年。北史

同前人。起于魏。盡于隋。共一百四十二年。

舊唐書

舊唐書一百三十卷。貞觀政要出于吳兢。順宗實錄出于韓愈。唐曆出于柳芳。而全書則劉煦成之也。一說是常述撰。柳芳。冕之父。芳字仲敷。冕字敬叔。父子世為史官。居集賢院。

新唐書

新唐書二百二十五卷。宋嘉祐中。曾公亮等奉詔刪定。方鎮百官表。出于梅堯臣。律曆五行志。出劉義史。列傳出于



宋祁而紀志則歐陽脩成之也。自今觀之。李義甫許敬宗之奸邪。而與長孫無忌同傳。柳宗元劉禹錫之阿附。而與韓愈同傳。此舊史之失也。新史改之。非所以先君子而後小人乎。劉蕡之切直。而槩之于文苑。吳叔之忠義。而槩之于外戚。陽城之卓異。而槩之于隱逸。孫思邈之高尚。而槩之于方技。此舊史之失也。新史改之。非所以存大節。而棄小目乎。

### 宋史

宋史本紀四十七卷。志一百六十二卷。表三十二卷。列傳世家二百五十五卷。

### 遼史

遼史本紀三十卷。志三十一卷。表八卷。列傳四十六卷。金史本紀十九卷。志三十九卷。表四卷。列傳七十三卷。已上三史皆元順帝至正間。中書右丞相脫脫等奉命脩。又按元世祖立國史院。首命脩遼金二史。宋亡。又命史臣通脩遼金宋三史。以義例未定。竟不能成。至至正三年。命脫脫為都總裁。鐵木兒塔識。張起巖。歐陽玄。揭傒斯等。為總裁脩之。或欲如晉書例。以宋為世紀。而遼金為載紀。或謂遼立國先于宋五十年。宋南渡後。嘗稱臣于金。以為不可待制。王理著三史正統論。欲以遼金為北史。宋祖至靖康為宋史。建炎以後為南宋史。一時士論非不知宋為正統。然終以元承金。金承遼之故疑之。各持論不決。詔遼金宋各



為史。發凡舉例。論贊表奏。多歐陽玄屬筆焉。至明朝洪武二年。翰林學士宋濂等奉勅脩元史本紀三十七卷。志五十二卷。表六卷。列傳六十三卷。

### 彤管記事

崔豹古今注。牛亨問彤管何也。答曰。彤。赤漆耳。史官載事。用赤管。言以赤心記事也。

### 石銘載書

北魏崔浩。字伯深。與弟覽等共參著作。叙成國書三十卷。令史閔堪請立石銘載國書。以彰直筆。北人忿毒。相與譏。浩于大武帝。帝大怒。按去未之。盡夷其族。

### 玉版金櫃

漢鼎錯策。刻于玉版。藏于金櫃。與天地相終始。

### 學海詞林

唐大詔令。蕭高脩國史制。明乎國史。所以弘闡大猷。觀乎人文。所以化成天下。自非鉤深學海。囊括詞林。盛周公之典謨。志仲尼之日月。則何以纂叙鴻業。

### 五難

袁崧曰。史之為難也。有五。煩而不整。一難也。俗而不典。二難也。書不實錄。三難也。賞罰不中。四難也。文不勝質。五難也。

### 五志

漢荀悅曰。立典有五志焉。達道義。彰法式。通古今。著功勳。



山堂集卷一  
表賢能。干寶釋云。體國經治之言。則書之。用兵征伐之權。則書之。忠臣烈士。孝子貞婦之節。則書之。文告專對之辭。則書之。才力伎藝殊異。則書之。

三長

唐鄭惟忠問劉知幾曰。自古文士多。史才少。何耶。曰。史有三長。才學識。世罕兼之。故史才少。有學無才。猶愚賈懷金不能殖貨。有才無學。猶巧匠無榘楠。弗能成室。

三恨

唐薛中書元起謂所親曰。吾不才。富賢過人。然平生有三恨。不以進士及第。一恨也。不娶五姓女。二恨也。不得脩國史。三恨也。

記繁志寡

文忠子曰。史之失。自遷固始。記繁而志寡。春秋之失。自歆向始。棄經而任傳。然張輔曰。遷叙三千年事。唯五萬言。固叙二百年事。乃八十萬言。是知班不如馬也。

辭約事詳

漢獻帝以班書文繁難省。命荀悅依左傳體。為漢紀三十篇。辭約事詳。論辨多美。

乞成漢史

東漢蔡邕為五原太守。王智密譖謗訕朝廷。邕慮不免。亡命江海。積十二年。靈帝崩。董卓聞其名。辟之。三月。周歷三臺。及卓被誅。邕在司徒王允坐。聞之。驚嘆。意殊不樂。允叱



蘇音擊之收付廷尉治罪。邕陳乞黥首刖足。繼成漢史。士大夫多矜救之。不能得。太尉馬日磾馳往謂允曰。伯喈曠世逸才。多識漢書。當留之。續成後史。為一代大典。且忠孝素著。所坐無名。誅之無乃失人望乎。允曰。昔武帝不殺司馬遷。使作謗書。流于後世。方今國祚中衰。戎馬在郊。不可令佞臣執筆。在幼主左右。既無益聖德。復使吾黨蒙其訕議。遂死獄中。

顧出魏書

北齊著作郎魏收。撰後魏史。帝令羣臣各言志。收曰。願得直筆東觀。早出魏書。遂命專其任。

作傳求米

晉陳壽為著作郎。有良史才。時丁儀丁廙兄弟。並有盛名。于魏壽謂儀子曰。可覓千斛米見與。當為尊公作佳傳。丁不與。竟不立傳。

作傳納金

初魏收在神武時脩國史。得楊休之助。因曰。無以謝德。當為卿作佳傳。休之父固為北平太守。以貪獲罪。收乃書曰。固為北平。甚有惠政。坐公事免。爾朱榮于魏為賊。收以高氏出自爾朱。且納榮子金。故減其惡而增其善。書成。眾口喧然。號為穢史。後高祖以收褒貶失實。詔著作郎魏澹別成之。澹矯收之失。甚為簡要。

文詞鄙拙



晉王銓有著述之志。每私錄晉事。及功臣行狀。未就而卒。後子隱召為著作郎。令撰晉史。隱文詞鄙拙。燕姪不倫。凡書中次第可觀者。皆其父撰。其文體混漫。義不可解者。隱為之也。

議論高強

五代周賈緯充史館脩撰。褒貶之際。愛憎任情。晉桑維翰執政時。薄緯之為人。不甚見禮。緯深銜之。及叙維翰傳。稱維翰身沒之後。有白金八千錠。時翰林學士徐台符。緯邑人也。與緯相善。謂緯曰。聞君叙桑魏公白金之數。不亦多乎。十目所覩。不可厚誣。緯不得已。改為白金數十錠。緯長于記誦。應用文章。未能過人。而議論高強。儕輩不平。目為

錠音挺

鐵嘴

兼麗卿雲

漢二班傳。二班懷文。裁成帝墳。比良遷董。兼麗卿雲。自為政駁。

唐劉知幾字子元。景龍初。以太子中允兼脩國史。時宰相常巨源。紀處訥。楊再思。宗楚客。蕭至忠等。皆領國史。知幾以為監脩者多。甚為國史之弊。於是奏記求罷史任。因為至忠言五不可曰。古之國史。皆出一家。如魯漢之立明子長。齊晉之董狐。南史未聞籍功于眾也。今史司取士滋多。人自為荀袁。家自為政駁。每記一事。載一書。閣筆相視。含毫不斷。頭白可期。汗青無日。一不可也。漢郡國計書。先上



太史副上丞相。後漢公卿所撰。先集公府。乃上蘭臺。故史官載事為廣。今惟詢採。二史不注起居。百官弗通行狀。二不可也。史局深籍禁門。所以杜顏面。防請謁。今作者如林。褒貶曾未絕口。而朝野咸知。故孫盛取嫉權門。王邵見羅賈族。常入之情。未能無畏。三不可也。古者史氏各有指歸。故馬遷退處士。進奸雄。班固抑忠臣。飾主闕。今史官注記。類稟監脩。或須直或或當隱惡。十年九牧。其令難行。四不可也。監者不肯指授。脩者又不遵奉。務相推避。以延歲月。五不可也。按荀袁謂荀悅袁宏也。政駿謂劉向字子政。劉歆字子駿也。

譏評今古

唐劉知幾著史通。內外四十九篇。譏評今古。徐堅讀之。嘆曰。為史氏者。宜置座右。

討論宮室

許敬宗拜侍中。監脩國史。高宗嘗幸長安城。按蹕徘徊。視故區處。問侍臣。秦漢以來。幾君都此。敬宗曰。秦都咸陽。漢惠帝始城之。其後符堅姚萇。宇文周居之。帝復問。漢武開昆明池。實自何年。對曰。元狩三年。將伐昆明夷。故為此池。以肄戰。帝乃詔敬宗為弘文學士。討論古宮室。故區。具條以聞。

思涉鬼神

左氏叙事。談恩惠。則煦如春日。記嚴烈。則凜若秋霜。叙興



邦則滋味無量。陳亡國則淒涼可憫。或諛詞入簡牘。或美句入詠歌。跌蕩而不羣。縱橫而自得。工作造化。思涉鬼神。言成軌範。

唐劉允濟為著作郎。脩國史。嘗曰。史官善惡必書。言成軌範。使驕主賊臣懼。此權顧輕哉。而班生受金。陳壽求米。僕乃視之。如浮雲耳。允濟嘗為著作佐。采魯哀公後十二世接戰國為魯後春秋。

言語模寫

嘆音葉范曄為秘書丞。左遷宣城太守。不得志。乃刪後漢書。自為一家之作。其作黃憲列傳。初無事迹。以言語模寫形容體段。此最妙處。又論撰書之意曰。吾之構思。無一字空談。此

書行。應有賞音者。自古體正而思精。未有此也。

業量該通

唐精擇史臣。認脩撰國史。義在典實。自非操履純白。業量該通。讜正有文。不堪此任。所以前代史官。必就中簡擇。灼然為眾所推者。方令著述。近日以來。但知此職。即知脩撰。非惟編輯疎舛。亦恐漏泄史事。今後宜于史官內。簡擇堪任脩史之人。錄名進內。

不徇私請

唐吳兢與劉知幾撰定武后實錄。叙張昌宗誘張說。誣魏元忠事。頗言說已許之。賴宋璟等激勸苦切。轉佞為忠。說讀之。知競所為。屢以情祈改數字。競辭曰。狗公之請。何名



實錄卒不改。世謂今之董狐。

不釋舊憾

北齊崔俊初為常侍。求人脩起居注。或曰。魏收可。俊曰。收輕薄徒耳。且欲陷收以不孝之罪。收後典國史。俊恐被惡言。乃悅之曰。昔有班固。今有魏子。收縮鼻笑之。其憾不釋。

三世踵脩

唐蔣乂。幼從外祖吳兢學。有史才。貞元中為起居舍人。兼史任。長子伸。次子偕。先後歷史館脩撰。三世踵脩國史。世稱良筆。咸云蔣氏日曆。

四人茲命

唐太和四年。以諫議大夫王彥威。戶部郎中楊漢公。禮部

員外郎蘇滌。右補闕裴休。茲以本官。充史館脩撰。故事。史官不過三員。少或兩員。至是四人。茲命。時論深以為非。

敬宗猥稱

唐太宗嘗賜長孫無忌威鳳賦。至許敬宗脩國史。乃猥稱以賜。尉遲敬德蓋敬宗子。娶敬德女孫。故私之也。

吳均私撰

南史吳均待詔著作。累遷奉朝請。先是均將著史。以自名。欲撰齊書。求借齊起居注。及羣臣行狀。武帝不許。遂私撰齊春秋奏之。帝惡其書不實。使中書舍人劉之遴詰問數十條。竟支離無對。敕付省焚之。

直載事功



唐元和中。李翱轉脩撰。以史官記事不實。奏曰。臣得秉筆史館。以記注為職。勸善懲惡。正言直筆。史官之任也。今善惡皆取行狀謚議。辭多虛美。難以為據。今請直載事功。方稱實錄。

### 兼制生死

唐朱敬則兼脩國史。乃請高史官之選。以求名才。常安石聞其藁。嘆曰。董狐何以加。世人不知史官之權。重于宰相。蓋宰相能制生人。史官兼制生死。古之聖君賢臣。所以畏懼也。

### 吉甫監脩

唐李吉甫監脩國史。時憲宗嘗御延英。問時政記。記何事。

吉甫對曰。是宰相記天子事。以授史官之實錄也。永徽中。齊善執宰相姚璩監脩國史。慮造膝之言。或不下聞。因請隨奏對。而記于仗下。以授史官。即今時政記是也。

### 祖禹分撰

宋范祖禹。字淳甫。在書局。分撰唐史。考其成敗治亂之迹。撮其機要。論次成書。名曰唐鑑。

### 惜書絨笥

宋孫甫。字之翰。仁宗朝直史館。著唐書七十五卷。未成而卒。温公書其後云。孫公此書。甚自重惜。嘗別絨其藁于笥。一日出而家失火。弟子負其笥避池中島上。公還及門曰。唐書在子。餘無所問。



抱史藏山

唐肅宗述居史職二十年。祿山亂。述抱國史藏于南山。因以獲存。

億代眉目

唐朱鵠聖記頌。史臣是當國之鑑。千億代之眉目。

千載勸懼

類要得失一朝。而榮辱千載。善人勸焉。淫人懼焉。

父子繼掌

宋綬字公垂。宋仁宋朝同脩國史。後其子敏求為史館脩撰。父子繼世掌史。世以為榮。

父子同典

厚音后 宋李文簡公燾。號異巖。權同脩國史。先是其子厚兼國史編脩實錄檢討。遷校書著作。父子同典史事。縉紳榮之。又墳音暄 秦檜與養子熈。熈與子墳。祖父孫三世同領史職。前此未有也。

願秉直筆

宋范旻上言。家世史官。願得秉直筆。成朝廷大典。因以為史館脩撰。旻嘗公質之子也。

不負公議

宋袁樞字機仲。為編脩官。分脩列傳。故相章子厚家。以同里。宛轉求公釋其事。公曰。吾為史官。書法不隱。寧可負鄉人。不可負天下後世。公議時丞相趙雄總史事。見子厚傳。



嘆曰無愧古之良史。

獨任宋祁

宋慶曆中賈昌朝建議脩唐書命宋祁與王堯臣張方平為脩撰范鎮宋敏求呂夏卿為編脩而以昌朝為提舉後諸公相繼出外祁遂獨秉史筆及祁又出皆將草藁自隨或有疑難移文往復。

首委宋禮

宋李益能撰碁北海宋禮行狀主上採議臣之言肇置史官以復承平之舊筆削之任首獨委公士艷其榮。

無易彥章

宋汪顯謨藻字彥章公奏自元符以來茲無日曆此國之

蔡音技  
宗音宗

重事願留聖心上納之宰執請擇所付上曰無以易及出知湖州詔領日曆如故辟官屬二員且賜史館脩撰錢。

獨付子固

言行錄宋曾鞏字子固天子察公賢手詔中書門下曰曾鞏以史學見稱士類宜典五朝史事遂以為脩撰近世脩史必眾選文士以大臣監總未有以五朝大典獨付一人如公者。

自選官屬

初司馬光約戰國至秦二世如左氏體為通志以進英宗悅之命續其事就宗文閣開局許自選官屬得借龍圖天



章三館秘閣書籍。給御府筆墨。以內官為承受。光遂與劉  
放。劉恕。范祖禹。及子康。編集。賜名資治通鑑。又製序文。賜  
之。會光出知永興軍。以哀病乞閒。乃差判西京留司御史  
臺。及提舉崇福宮。前後六任。聽以書局自隨。光于是徧閱  
舊史。旁采小說。上起周威烈王二十三年。下終五代。又略  
舉事目。年經國緯。以備檢尋。為目錄。又參考羣書。評其同  
異。俾歸一途。為考異。合三百五十四卷。十九年而成。至神  
宗元豐七年。上之。詔以光為資政殿學士。初光脩通鑑。至  
唐太宗之世。忽有穿黃袍者。見于前。曰。先生幸善書。公起  
持筆。知為帝也。跪而奏曰。陛下穢德多矣。臣頭可取。筆不  
可奪。遂不見。

別為義例

朱文公通鑑綱目序。先正司馬公。受詔編資治通鑑。既成。  
又撮其精要。別為目錄。并上之。更著舉要曆八十卷。以適  
厥中而未成也。紹興中。胡文定公始復因公遺藁。脩成舉  
要補遺若干卷。則文愈約而事愈備矣。嘗過不自料。輒因  
隙音隱兩公四書。別為義例。增補隱括。以就此篇。蓋表歲以首年。  
而因年以著統。大書以提舉。而分注以備言。使夫歲年之  
文近。國統之離合。事辭之詳略。議論之同異。通貫曉析。如  
指諸掌。名曰資治通鑑綱目若干卷。

操履無玷

宋楊徽之字大猷。以治郡入為史館脩撰。太宗嘗謂宰相



曰。徽之操履無玷。儒雅士也。州縣之職。非其所長。置之館殿。正得其宜。

議論可觀

宋王韶之。私撰晉陽秋。成時。謂宜居史職。即除著作佐郎。使續後事。訖。義熙九年。善叙事理。議論可觀。號為後世佳史。

神情冲澹

宋天聖中。王安簡。謝陽夏。黃唐卿。李邴。鄆。為編脩官。安簡神情冲澹。唐卿刻意篇什。謝李戲為句曰。王貌閒如鶴。黃吟苦似猿。

文詞雅正

宋吳育。字春卿。授著作。除直史館。文詞雅正。天下推之。

才似六經

宋丁謂。字公言。孫何。字漢公。二公齊名。學士王禹偁延譽于帝曰。丁謂孫何。可使白衣充脩撰。由此聲名藉甚。禹偁嘗與詩曰。三百年來文不振。直從韓柳到孫丁。而今便合教脩史。二子之才似六經。

試入三等

宋蘇軾。學通經史。屬文日數千言。召試秘閣。入三等。得直史館。

撰建中錄

唐沈既濟。經學該明。有良史才。召拜左拾遺。嘗脩建中實



錄既濟傳師之父也。

獻端拱箴

王禹偁字元之。太宗端拱初聞其名。召至京師。自定題以試之。以右拾遺直史館。因獻端拱箴。

明示去取

宋紹興四年。范冲直史館。脩神宗哲宗實錄。先是隆佑太后謂帝曰。宣仁太后之賢。古今無比。為奸臣誣謗。嘗下詔明辯。而國史尚未刪定。豈足傳信。帝竦然。至是召冲重脩。冲乃為神宗考異。明示去取。舊文以墨書。刪去者以黃書。新脩者以朱書。世號朱墨史。又為哲宗辯誣錄。由是二史得其正。而奸臣情狀亦著。按冲祖禹子。紹興進士。

參較得失

東都事略。徐勣字元功。為中書舍人。脩神宗正史。上言宜取當時宰輔家記錄。以參較得失。則一代大典可信矣。

○侍中

歷代沿革。侍中。古官也。黃帝時。風后為侍中。周時號常伯。秦取古官。亦置侍中。來往殿內奏事。兩漢因之。無常員。靈帝置八人。獻帝六人。魏與晉宋齊梁陳各置四人。後魏北齊置六人。後周依周禮。天官府置御伯中大夫。武帝改御伯為納言。亦侍中之任也。宣帝末。又別置侍中為加官。隋文帝改侍中為納言。置二人。煬帝改曰內侍。移為門下省之



職。唐復為侍中。龍朔中。改門下省曰東臺。侍中曰左相。光宅中曰納言。垂拱中。改門下省為鸞臺。開元初曰黃門省。侍中曰監。天寶初曰左相。又齊職。儀呼侍中為門下。給事黃門為小門下。

佩璽抱劍

漢官儀。侍中殿下稱制。出則參乘。佩璽抱劍。又齊職儀。東漢侍中。便蕃左右。與帝升降。法駕出。選多識者一人參乘。兼負傳國璽。抱白蛇劍。

對壁伏茵

漢舊儀。侍中近臣。見皇后如見帝。婕妤行則對壁。坐則伏茵。

七葉

三輔故事。漢金日磾。字翁叔。匈奴休屠王太子也。後降漢。封稅侯。有忠勤之節。七葉侍中。

三代

東觀漢記。馮魴。字孝孫。父子兄弟。紅帶青紫。三代侍中。

班伯謹言

漢成帝嘗與張放等宴飲禁中。皆引滿舉白。談笑大噓。將乘輿。幄坐屏風。畫紂醉踞妲己。作長夜之飲。侍中班伯久疾新起。上顧指畫而問曰。紂為無道。至于是乎。對曰。書云。乃用婦人之言。何有踞肆于朝。所謂眾惡歸之。不如是之甚者也。上曰。苟不如是。此圖何戒。對曰。沉湎于酒。微子所



以告去也。式號式呼。大雅所以流連也。詩書淫亂之戒。其原皆在于酒。上乃喟然嘆曰。吾久不見班生。今日復聞讜言。放等不懌。稍自引退。

### 丁鴻至行

緜音喚東漢丁鴻。字孝公。治尚書。父陵陽侯緜卒。鴻當襲封。上書稱病。讓國于弟盛。不報。既葬。乃挂哀經于塚。逃去。友人九江鮑駿。遇鴻于東海。讓之曰。昔伯夷。吳札。亂世行權。故得申其志。今子以兄弟私恩。而絕不滅之基。可乎。鴻感悟。乃還就國。駿因上書薦鴻。經學至行。明帝永平十年。賜印綬。徵為侍中。

### 戴憑說經

見元日。

### 曹褒著禮

東漢章帝時。博士曹褒請著漢禮。拜為侍中。授以叔孫通漢儀十篇曰。此制散略。多不合經。今宜依禮條正。使可施行。

### 冠附蟬文

增音當

漢官儀。侍中冠武弁大冠。亦曰惠文冠。加金璫。附蟬為文。豹尾為飾。故謂之金貂。侍中插左。中常侍插右。董巴輿服志。金取堅剛。百鍊不耗。蟬取居高。飲露。貂取內勁。外捍。本趙武靈王胡服之制。秦始皇破趙。得其冠。賜侍中。

### 香含雞舌



漢官儀侍中乃存年老口臭上出雞舌香使含之  
請安太后心

史記孝惠帝崩太后哭泣不下留侯子張辟彊為侍中年  
十五謂丞相曰太后獨有孝惠今崩哭不悲若知其解乎  
母音無丞相曰何解辟彊曰帝母壯子太后畏君等若今拜呂台  
等為將居南北軍及諸呂皆入宮用事則太后心安君等  
幸免禍矣丞相如辟彊計太后悅其哭乃哀呂氏權由此  
起

嘗讀孔光傳

孔帖。唐楊師道貞觀十年拜侍中。性周謹。未嘗語禁省事。  
嘗曰。吾嘗讀孔光傳。想其遺風。

掌壺

齊職儀漢侍中掌乘輿服物。下至褻器獸子之屬。武帝時  
孔安國為侍中。以其儒者特聽掌御唾壺。朝士榮之。按漢  
侍中親省起居。故俗謂之執獸子。獸子。褻器也。至魏文帝  
時。蘇則為侍中。有嘗與則同隱。曰吉茂者。是時入仕。南歷  
縣令。見則調之曰。子仕進。不止執獸子。

引裾

毗音皮。魏略侍中辛毗。字佐治。魏主丕欲徙冀州十萬戶實河南。  
毗論其不可。主怒。毗曰。陛下置臣謀議之官。安得不與臣  
議。臣所言非私。乃社稷之慮也。安得怒臣。丕不答。起入內。  
毗隨而引其裾。丕遂奮衣而去。良久乃出曰。佐治卿何持



我大急耶。毗曰：今既失民心，又無以食，必將為寇。故不敢不力言，不乃徒其半。

### 屏患宗政

東漢荀悅，字仲豫，爽子也。獻帝朝為侍中。時政在曹氏，悅志獻替，而謀無所用，故作申鑒五篇奏之。其略曰：為政之術，先屏四患，乃崇五政。

### 憂國忘家

梁徐勉，字脩仁。時師方侵魏，候驛填委，勉參軍書，動經數旬，一還家，還則羣犬驚吠。勉曰：吾憂國忘家，乃至于此。吾亡後，亦是傳中一事也。

### 恒問經義

吳主皓因吳人多言祥瑞，以問侍中常昭。昭曰：此家人篋中物耳。昭領國史，吳主欲為其父作記，昭曰：文皇未登帝位，當為傳。吳主不悅。吳主嘗飲羣臣酒，不問能否，率以七升為限。至昭獨以茶代。後更見強，率不飲。又酒後，常使侍臣嘲弄公卿，發摘私短，以為歡。昭但難問經義而已。吳主積怒，殺之。

### 不好嘲謔

宋孝武帝每燕集，在坐者皆令沉醉，嘲謔無度。侍中沈懷文素不飲，又不好嘲謔。宋主謂故欲異已，出為廣陵太守。僧綽沈深。

宋文帝以王僧綽為侍中。年二十九，沈深有局度，不以才



能高人。帝欲以後事託之。朝政皆與參焉。

### 楊奇強項

東漢靈帝問侍中楊奇曰。朕何如桓帝。對曰。陛下之桓帝亦猶虞舜。比德唐堯。帝不悅曰。卿強項。真楊震子孫。少終致大鳥矣。

### 不愛熱官

北齊王晞為并州司馬。孝昭帝欲用為侍中。晞苦辭曰。非不愛作熱官。但思之爛熟耳。又綱目作用為侍郎。

### 多納厚賄

宋孝武帝以顏師伯為侍中。師伯以諂佞被親任。多納厚賄。家累千金。宋主嘗與之擣菹。宋主擣得雉。自謂必勝。師

伯次擣得盧。宋主失色。師伯遽斂手曰。幾作盧。是日一擣輸百萬。注云。擣菹戲有梟盧。雉犢塞者。為勝負之采。博頭有刻梟形者為最。盧次之。塞為下。

### 諫用美人

唐太宗閒居。與侍中王珪語。有美人侍側。指示珪曰。此盧江王瑗之姬也。瑗殺其夫而納之。珪避席曰。陛下以盧江納之為是耶。非耶。上曰。殺人而取其妻。卿何問是非。對曰。昔齊桓公知郭公之所以亡。由善善而不能。然棄其所言之人。管仲以為無異于郭公。今此美人尚在左右。臣以為聖心是也。上悅。即出之。

### 諫置宸妃



唐永徽中以韓瑗為侍中。唐初因隋制，後宮有賢妃、淑妃、德妃、賢妃，皆視一品。至是高宗欲特置宸妃，以武昭儀為之。韓瑗與中書令來濟諫，以為故事無之，乃止。

補闕拾遺

齊職儀：魏侍中掌儼贊，大駕出則次直侍中護駕，正直侍中負璽，不帶劍，皆騎從。御登殿，與散騎常侍對挾帝。侍中居左，常侍居右，備切問近對，補闕拾遺也。

謹身固位

唐肅宗以苗晉卿為侍中。晉卿練達吏事，而謹身固位，時人比之胡廣。

請用才行

唐太宗謂侍中魏徵曰：為官擇人，不可造次用一君子，則君子皆至；用一小人，則小人競進。對曰：天下未定，則專取其才，不考其行；喪亂既平，則非才行兼備，不可用也。

諫困公私

唐高宗將討新羅，侍中張文瓘與疾入諫曰：今吐蕃入寇，方發兵西討，新羅未嘗犯邊，若又東征，恐公私不堪，困弊上乃止。

惟守成規

五代晉高祖天福四年，以馮道為司徒兼侍中。晉主嘗訪以軍謀，對曰：征伐大事，在聖心獨斷，臣書生，惟知謹守成規而已。



與論故事

此雙字南宋謝朓字敬沖。莊之子。太傅蕭道成以朓有重名。欲命為長史。嘗與論魏晉故事。因曰。石苞不早勸晉文。成方慟哭。方之馮異。非知機也。朓曰。晉文世事魏室。必將終身北面。借使魏行唐虞故事。亦當三讓。彌高道成不悅。以朓為侍中。更以王儉為長史。

恒居帷幄

張隱文士傳。張平子衡為侍中。恒居帷幄。從容諷議。拾遺左右。

同管喉唇

南宋謝綽拾遺記。王華。王曇首。殷景仁。劉湛。四人俱為侍

中。風力局幹。冠冕一時。嘗侍宴飲。從朝至夕。帝甚歡。華等既出。太祖目送之。嘆曰。此四賢一時之秀。同管喉唇。恐後世難繼矣。

以儒雅拜

晉惠帝時。賈后專權。賈謐與后謀。以張華庶姓。無逼上之嫌。而儒雅有籌略。為眾望所依。乃拜為侍中。

以風貌選

或晉都南宋孝武帝選侍中四人。竝以風貌。王或。謝莊為一雙。阮韜。何偃為一雙。故唐詩云。仍王謝竝。風貌阮何雙。

不聞獻替

世說。虞嘯父為晉孝武侍中。帝從容問曰。卿在閣下。初不



聞有獻替。虞家富春近海。誤謂帝望其貢獻。對曰。天時尚煖。魚鱉蝦鮓未可致。尋當有所上獻。帝撫掌大笑。

不操絲竹

同音烟。世說齊王罔為大司馬輔政。祕紹為侍中。詣罔咨事。罔設旗音于宴會。乃葛旛董艾等。共論時宜。旗等白。罔祕侍中善於絲竹。公可令操之。遂送樂器。紹推却不受。罔曰。今日共為歡。卿何却耶。紹曰。公協輔皇室。令作事可法。紹官雖卑。職備常伯。操絲比竹。蓋樂官之事。不可以先王法服為伶人之業。今逼高命。不敢苟辭。當釋冠冕。襲私服。此紹之心也。旗等不自得而退。

有古人風

原趙主曜作鄴明觀。西宮凌霄臺。又營壽陵。侍中喬豫和苞諫曰。前營鄴明觀。市道細民咸曰。以一觀之功。足以平涼州矣。今又欲擬阿房。而建西宮。法瓊臺而起凌霄。其為勞費億萬。又營壽陵。周圍四里。銅椀金飾。殆非國內所能辦也。曜下詔曰。二侍中懇懇有古人之風。可謂社稷臣矣。悉罷諸役。以豫苞為諫議大夫。

得大臣體

唐郝處俊字龜山。為侍中。參謀朝政。每上言議。必引經術。多所匡益。甚得大臣之體。

諫納余妃

梁公衍納齊東昏余妃。頗妨政事。侍中范雲與將軍王茂



同入見。雲曰：明公始定建康，海內想望風聲，奈何襲亂亡之迹，以女色為累乎？梁公默然。雲即請以妃賚茂。梁公許之。

### 勸誅元乂

魏尚書令元乂，雖解兵權，猶總內外。侍中穆紹勸太后速去之。太后以乂為妹夫故，未忍誅。止除名為民。先是黃門侍郎元順，以剛直忤乂意，出為刺史。太后徵還為侍中，侍坐於太后。順曰：陛下奈何以一妹之故，不正元乂之罪，使天下不得伸其怨憤？未幾有告乂誘降戶謀反者。魏主乃賜乂死。

### 不願居中

見外戚。

### 請先任外

武則天長安中，嘗與宰臣議及州縣官。納言李嶠等奏曰：竊見朝廷物議莫不重內官，輕外職。比來所遣外任，多是貶累之人，風俗不澄，實由於此。臣等請輟近侍，率先具僚。於是鳳閣舍人常嗣立等二十人，各以本官檢校諸州刺史。按納言即侍中之任，已見沿革。

### 諫塗九鼎

武后周鑄九鼎成，用黃金塗之。納言姚璿曰：鼎者神器，貴在質朴。豈待塗金為符曜耶？

### 勸成二觀



唐睿宗景龍中。以竇懷貞為侍中。時太平公主干政。懷貞每退朝。必詣公主第。求取所欲。上方為金仙玉真二公主。管觀糜費鉅萬。諫者甚眾。懷貞獨勸成之。躬護役作。族弟維盜諫曰。公位上衮。當思獻可替否。以輔天子。而計較尾末。雜廁工匠間。海內何所瞻仰乎。懷貞不答。督繕益急。

### 平施內外

唐源乾曜進位侍中。建言大臣之子。多求京職。俊乂之士。率任外官。恐非平施之道。臣三息俱任京師。請出二息補外。以示自近始。乃以其子河南參軍弼為絳州司功。大祝紫為鄭尉。詔曰。乾曜身率庶僚。以讓既請。外其子。又復下遷。傳不云乎。范宣子讓其下。皆諫晉國之人。於是大和。其弟出補者百餘人。

### 明設防閑

唐張行成遷侍中。晉州地震不止。帝問之。對曰。天陽也。君象地。陰也。臣象君。宜動。臣宜靜。今靜者顧動。恐女謁用事。大臣陰謀。又諸王公主。參承起居。或伺間隙。宜明設防閑。且晉陛下本封。應不虛發。伏願杜於未萌。帝然之。

### 折辱三思

唐肅安石知納言。時二張武三思寵橫。安石數折辱之。會侍宴殿下。易之引蜀商宋霸子等。博塞后前。安石跪奏。商等賤類。不當戲殿上。顧左右引出一坐。皆失色。后以安石



辭正。改容慰勉。鳳閣侍郎陸元方。自以為不及。退告人曰。常公真宰相。

規戒安樂

唐安樂公主館第成。中宗臨幸。宴從官賦詩。御史大夫李日知卒章。獨以規戒。睿宗他日謂日知曰。向時雖朕亦不敢諫。非公挺直。何能爾。即拜侍中。

晉書中書侍郎

明

承出蘇法

今文五言又于品中三人武京

山堂肆考臣職第十二卷

○黃門侍郎

歷代沿革。秦初有給事黃門之職。漢因之。至東漢初。拜二官曰給事黃門侍郎。後又改為侍中侍郎。尋復舊。自魏及晉。置給事黃門侍郎四人。與侍中俱管門下眾事。與散騎常侍並稱清華。謂之黃散。宋齊置四人。梁陳亦然。隋煬帝去給事之名。直曰黃門侍郎。唐初因之。龍朔二年。改曰東臺侍郎。垂拱元年。改曰鸞臺侍郎。天寶元年。曰門下侍郎。乾

畫署



漢官儀黃門有畫堂之署。有玉堂之署。畫堂署長一人。玉

瑣闥

衛宏漢儀黃門即屬黃門令。日暮入對。向青瑣闥拜。名曰夕郎。衛瓘吳都賦注。青瑣戶邊青鏤也。顏師古曰。刻為連瑣文。而以青塗之也。爾雅。宮中門謂之闥。

二子並拜

東漢桓階為尚書令。文帝一日拜階二子元禪元禮為黃門侍郎。

三代不徙

漢楊雄成帝時。王音薦為待詔。歲餘拜給事黃門侍郎。歷

成哀平三世不徙官。及莽篡位。雄始以耆老。久次轉大夫。一說三世謂歷哀平孺子嬰也。

恂恂可觀

漢書馮參字叔平。昭儀少弟也。為黃門侍郎。為人矜嚴。好脩容儀。進止恂恂可觀也。

煦煦自樂

傅子曰。王黎為黃門侍郎。軒軒然得志。煦煦然自樂。顏色憔悴。

東觀漢紀。鄧閻字季昭。遷黃門侍郎。于時國家有災異。水旱。閻側身暴露。憂懼憔悴。見于顏色。公卿已下咸高尚焉。漢興以來。為外戚儀表。



精神端審

南宋謝弘微。萬之曾孫。為黃門侍郎。精神端審。時然後言。婢僕之前。不妄言笑。

大才令望

晉顧榮。字彥先。少有珪璋符采。朗徹仕吳。弱冠舉賢良。為黃門侍郎。當時後進咸相推讓。稱榮有大才令望。

孝緒忠規

唐中宗授韋嗣立黃門侍郎。制忠規奕葉。李緒蟬聯家。匡玄鳥之歌。人輔彤雲之代。芝蘭並秀。見謝砌之階。庭麒麟齊驅。有劉山之昆季。入光振鷺。譽滿三臺。出據憑熊。聲流十部。

每納忠言

敬音假魏王敬。字昭先。文帝以為黃門侍郎。每納忠言。輒壞其本。其在禁省。歸書不封。帝嘉其淑慎如此。白帖作任故事。

魚知選事

唐高宗顯慶二年。以劉祥道為黃門侍郎。魚知選事。

博覽圖籍

晉張華。字茂先。為黃門侍郎。博覽圖籍。四海之內。若指掌。千門萬戶。畫地而成。

對管華近

唐温大雅。字彥冲。與弟彥博大有。皆知名。薛道衡曰。三人皆卿相才也。與董常等師事王通。北面受王佐之道。大雅



遷黃門侍郎。彥博為中書侍郎，對管華近。弟大有，字彥將，耻近毛曾。

魏夏侯玄為黃門侍郎，與皇后弟毛曾同坐。玄以為耻，明帝恨之，左遷羽林監。

諫辱蔣挺

唐張廷珪為黃門侍郎，監察御史蔣挺以監決杖刑稍輕，詔于朝堂杖之。廷珪奏曰：「御史憲司清望，耳目之官，有犯當殺，不殺當流，即流不可決杖。蓋士可殺不可辱也。」議者以廷珪之言為是。

參預朝政

唐太宗貞觀十七年，以褚遂良為黃門侍郎，參預朝政。

參知機務

唐薛稷字嗣通，善屬文，如良金美玉。遷黃門侍郎，參知機務，與崔日用數爭事帝前。

明習典故

隋給事黃門侍郎柳莊有識度，博學善詞令，明習典故，雅達政事。帝及高熲、蘇威皆重之。與黃門侍郎陳茂同僚，不能降意，茂讒之，出為饒州刺史。

駁正制敕

唐李乂字尚真，趙州人，改黃門侍郎。制敕有不便者，輟駁正之。貴幸有求官者，睿宗曰：「朕非有靳李乂不可故耳。」

給事中



歷代沿革。秦漢皆為加官。位次中常侍。東漢省之。魏復置。或為加官。或為正員。晉無加官。正員位在散騎常侍下。給事黃門上。武冠絳朝服。宋齊隸集書省。梁陳掌獻納及諸章奏。後魏省之。北齊亦隸。帝移為門下之職。唐改給事。即為給事中。龍朔中。改門下省曰東臺。垂拱中。改曰鸞臺。開元中。曰黃門省。凡百司奏抄。侍中既審。則駁正違失。詔勅不便者。塗竄而奏還。謂之塗歸。季終奏駁正之目。宋淳化中。始以諫議大夫同知給事中事。已後無常員。元豐五年。以知諫院舒亶試給事中。自是始正。

除為職事官。凡四人。分治六房。掌讀內外出納之事。

### 明經

漢鄭眾。字仲師。以明經拜給事中。

### 非識

東漢光武以赤伏符即位。由是信用讖文。給事中桓譚極諫。帝不悅。會議靈臺所處。帝謂譚曰。吾欲以讖決之。譚曰。臣不讀讖。且極言讖之非經。帝怒。桓譚非聖。將下斬之。譚叩頭流血。乃得解。出為六安丞。

### 名儒

東漢胡伯始曰。給事中掌侍從。或以名儒。或國親為之。故



東方朔以中郎為給事中。劉向以諫議大夫為給事中。  
能臣

漢元帝詔蕭望之輔朕八年。厥功茂焉。可賜爵關內侯。給事中。史臣謂望之身為儒宗。有輔佐之能。近古社稷臣也。  
清庶

晉書。陳劭。字節良。為燕王師。武帝太始六年。詔曰。燕王師。陳劭。清貞廉潔。博通六籍。宜在左右。以敦儒訓。可拜給事中。

忠篤

晉武帝詔。郎中張逵。忠篤履正。為江表士大夫所稱。宜在中朝。以逵為給事中。逵或作建。

申枉

唐李嶠。字巨山。遷給事中。會來俊臣誣狄仁傑等獄。將抵死。敕嶠與大理少卿張德裕。侍御史劉憲復驗。嶠曰。知其枉不申。是謂見義不為者。卒與二人列其枉狀。忤武后。出為潤州司馬。

駁刑

白居易集。鄭覃除給事中。制給事中之職。凡制敕。不便于時者。得封奏之。刑獄未合。理者。得駁正之。天下冤獄。無告者。得與御史糾理之。有司選補不當者。得與侍中裁退之。率是而行。號為稱職。固不專于掌侍奉。讚詔令而已。

練習軍書



齊主高洋連年出塞。給事中唐邕練習軍書。及四方軍士強弱多少。番代往還。器械精粗。糧儲虛實。靡不諳悉。或時簡閱數千人。不執文簿。能唱其姓名。未嘗謬誤。

### 臚傳詔旨

唐給事中齊映為人白晳長大。言音鴻爽。故帝令侍左右。或馬前臚傳詔旨。

### 用親為部

宋明帝以阮佃夫為給事中。佃夫權任頗重。欲用其所親為部。袁粲等不欲。佃夫稱勅施行。眾不敢言。

### 用士直曹

列音元唐關播字務先。遷給事中。故事諸司中庫。以令史直曹。刊

脫為姦。播悉易以士人。時躋其法。

### 封還勅書

罇音博唐崔祐甫子植。元和中為給事中。時皇甫罇判度支。建言減百官俸廩。植封還勅書。罇又請天下所納鹽酒之稅。俱宜增估。以新準舊。一切追償。植奏言用兵日久。百姓凋弊。不可復加。于是議者咸以罪罇。罇懼而止。

### 封還詔書

唐狄兼謨字汝諧。擢給事中。左藏使盜度支練帛。文宗以經赦詔勿治。兼謨封還詔書。帝曰朕已赦其長官。吏亦宜宥。既而曰後或事有不可。勿以還詔為憚。

### 承嘏奉職



唐廓承嘏轉給事中。俄出為華州刺史。給事中盧載封還詔書。且言承嘏自居此職。繼有封駁。能奉其職。宜在瑣闥。文宗謂宰臣曰。承嘏久在黃扉。故優其俸祿。暫令庶問。而諫列并章。惜其縻職。乃復留為給事。

### 穆質盡言

唐穆質性彊梗。為給事中。凡政事得失。未嘗不盡言。

### 諫用盧杞

唐貞元中。袁高為給事中。德宗復用盧杞為饒州刺史。命高草詔。高執詞頭謁宰相。盧翰劉從一曰。杞作相三年。矯詐陰賊。退斥忠良。四海側目。若更授之大郡。恐失天下望。宰相不悅。改命舍人草詔。詔出。高執之不下。乃奏論之。上

遣使慰高曰。朕惟卿言切至。已如奏。

### 論貶少和

幾昔蔡唐孔戮。字君嚴。為給事中。江西觀察使李少和坐賊。及崔易簡殺從父兄。獄久不下。戮慷慨論奏。貶少和殺易簡。

### 仁人言

唐張玄素為給事中。太宗發卒修洛陽宮。玄素上書切諫。遂罷役。魏徵聞之。嘆曰。張公論事。有回天之力。可謂仁人之言。其利溥哉。

### 宰相器

唐李藩字叔翰。遷給事中。制敕有不可。遂于黃敕後批之。吏白宜更連素紙。藩曰。別以素紙。是文狀也。何名批敕。宰



山堂集考 商集十二卷 八十一  
相裴垪喜言于帝。以為有宰相器。遂拜相。故史臣謂批敕有夕郎之風。

### 元膺政事

唐呂元膺為給事中。俄出為同州刺史。既入謝。帝逮問政事。所對詳悉。明日謂宰相曰。元膺直氣讜言。宜在左右。柰何出之。李藩裴垪謝。因上言。陛下興言及此。乃宗社無彊之休。請留給事左右。

### 彥伯文辭

唐徐彥伯進給事中。武后撰三教珠英。取文辭之士。皆天下選。而彥伯李嶠居首。又武后時大獄興。王公卿士以言語為酷吏所引。歿徙者不可勝計。彥伯著樞機論。

### 任熙立德

晉書。任熙字伯遠。立德邈然。徵拜給事中。

### 陸堅圖形

唐陸堅以給事兼學士。帝待之甚厚。詔圖其形于禁中。又親為之贊。

### 不拜夷狄

南齊丘冠先。烏程人。為給事中。使蠕蠕國。逼令拜。冠先執節不從。曰。能殺我者。蠕蠕也。不能以天子使拜夷狄者。我也。遂見殺。

### 不畏強禦

梁音。早唐杜牧之集。崔瓘除給事中制。左省駁議。不畏彊禦。



數以忠進

唐孔穎達字仲達太宗卽位數以忠言進上

時以直稱

唐薛存慶五遷給事中與韋弘景封駁詔書時稱其直

諫大庭爭功

唐太宗嘗謂羣臣曰朕為人君嘗兼行將相事豈不是奪公等名舜禹湯武得臯夔伊呂而四海安漢高有蕭曹韓彭而天下寧茲事朕皆兼之給事中張行成上疏曰盛德含光規模宏遠左右文武誠無將相才也奚用大庭廣衆與之校量損萬衆之尊與臣下爭功哉帝嘉納之

諫隻日視事

唐李遜為給事中。以舊制隻日視事。對羣臣乃奏曰。陳誠啓沃。不必擇辰。今羣臣敷奏。乃候隻日。則臣下得覩天顏。獻可替否。一歲之中。能有幾何。憲宗嘉之。乃許不擇時對奏。

諫興土木

唐韓思復入為給事中。帝作景龍觀。思復諫曰。禍難初平。遽興土木。非憂人恤物之意。帝不見省。

奏駁姦惡

事略。宋蔡確復觀文殿學士。章惇復資政殿學士。給事中格音閣趙君錫奏駁論其姦惡。命遂格不行。

悻直不衰



職林。唐李渤字濬之。拜給事中。孤特自持。不苟合于時人。謂之沾激。屢以言斥。而悻直不少衰。守節者尚之。

風采想見

唐許孟容字子範。為給事中。數有論駁。四方想見其風采。

論駁準古誼

唐齊澣。開元初為給事。論駁皆援準古誼。

杖屨如舊時

唐薛存誠再除給事中。仍是本廳。鸞渚几榻杖屨如舊時。其詩曰。再入青瑣闈。忝官誠自非。拂塵驚物在。開戶似僧歸。積草漸無徑。殘花猶洒衣。禁庭偏近日。行坐是恩暉。

乞正官法

宋治平中。知封駁韓維。上言呂誨等隆黜勅命。不出門下封駁。乞追還以正官法。

望全朝典

宋元祐中。除安燾知樞密院。因給事兩次封駁。遂特旨直下吏部施行。給事劉贄上言。伏望追還詔命。以全朝廷典法。

駁諫官不當出外

宋嘉祐中。唐介知諫院。出知荆南府。時知門下封駁何如。上言介為諫官。有補朝廷。不當出外。以勅封還之。故介復得知諫院。

論內侍不當兼兵



宋德壽宮提舉陳源兼浙西副總管時給事中趙汝愚論駁謂內侍不當兼兵職詔從之令樞密院永為遵守。

知無不言

戩音肅宋陳戩字冲休高宗朝給事中感激論事知無不言除授失當多所論駁士論翕然推重。

論無所避

瑀音雨宋程瑀字伯瑀拜給事中抗論無所阿避會除權邦彥簽書公論邦彥五罪凡三疏上委以次官閱讀公乃乞罷遂除知信州侍御江躋等上疏留公復除給事上曰給事之設正要駁異豈在雷同朕深不欲卿去瑀既出特賜象笏以示隆眷。

○總諫官

古者無諫官之名自公卿大夫至于工商無不得諫者秦漢以來始置官然無常員多至數十人秩纔比八百石至唐設六典職始專而任始重焉。

保氏

周禮地官保氏掌諫王惡

箴尹

呂氏春秋注箴尹楚官亦諫臣也。

鬻拳兵諫

鬻音育左莊十九年初鬻拳強諫楚子弗從臨之以兵懼而從之鬻拳曰吾懼君以兵罪莫大焉遂自刎也楚人以為大閹



史魚尸諫

衛蘧伯玉賢行孚于國。靈公以嬖彌子瑕而不能用。魚病將卒。命其子曰。吾在朝不能進蘧伯玉而退彌子瑕。是吾生不能正君。則死無以成禮。我死。汝置尸牖下。於我畢矣。其子從之。公往弔。怪而問焉。其子以告。公愕然失容曰。是寡人之過也。於是命殯之。客坐。乃退彌子瑕而用伯玉。

諫寵州吁

借音鵲

左隱三年。衛莊公公子州吁。嬖人之子也。有寵而好兵。公弗禁。石碯諫曰。臣聞愛子教之以義方。弗納於邪。

諫卿渠彌

左桓十七年。初。鄭莊公將以高渠彌為卿。昭公惡之。固諫。

不聽。昭公立。懼其殺已也。辛卯殺昭公而立公子亶。

諫丹楹

楹音角

左莊二十三年。丹桓公楹。二十四年。刻桓公桷。御孫諫曰。儉德之共也。侈惡之大也。先君有共德。而君納諸大惡。無乃不可乎。

諫觀社

劇音貴

左莊二十三年。公如齊觀社。曹劇曰。不可。夫禮所以整民也。故會以訓上下之則。制財用之節。朝以正班爵之義。帥長幼之序。征伐以討不然。諸侯有王。王有巡守。以大習之。非是。君不舉矣。君舉必書。書而不法。後嗣何觀。

諫觀魚



左隱五年。公將如棠觀魚。滅僖伯諫曰。凡物不足以講大事。其材不足以備器用。則君不舉焉。君將納民於軌物者。也不軌不物。謂之亂政。公曰。吾將畧地焉。遂往。僖伯稱疾不從。

諫走馬

伽音住。唐太宗好騎射。孫伏伽諫曰。走馬射的。乃少年諸王所為。非今日天子事業也。既非所以安養聖躬。又非所以儀刑後世。

諫遊海

見海。

諫鑿池

見冬。

辟戟

漢武帝姑館陶公主。近幸董偃。入見。帝置酒宣室。是時東方朔為中郎。陛戟殿下。辟戟而前曰。偃有斬罪三焉。得入乎。上曰。何謂也。朔曰。偃以人臣私侍公主。罪一也。敗男女之化。而亂婚姻之禮。傷王制。罪二也。陛下富于春秋。方積思于六經。留神于王事。偃不遵經勸學。反以靡麗為右。奢侈為務。乃國家之大賊也。帝默然不應。久之。乃曰。善。賜朔黃金三十斤。

軻輪

軻音秋。東漢申屠剛。字巨卿。嘗慕汲黯史鱗之為人。蹇蹇多直。無



所屈撓時隴蜀未平光武嘗欲出遊剛諫不從遂以頭軻乘輿輪使馬不得前帝遂為止。

鞅音仰

斷鞅

東漢光武建武八年車駕欲西往郭憲諫不聽乃拔佩刀斷車鞅上竟不從後潁川兵起乃廻駕帝曰恨不用郭子橫之言。

攀檻

見納諫。

用皂囊

漢官儀凡章表皆啟封其諫官言密事則用皂囊也。

伏青蒲

漢元帝寢疾有廢立太子之意侍中史丹直入臥內頓首伏青蒲流涕而諫帝意悟太子遂安。

諫築層臺

劉向說苑楚莊王築層臺延表百里諫者七十二人有諸御入諫曰昔虞不用宮之奇而晉并之曹不用負羈而宋并之吳不用子胥而越并之遂趨出王遽追之曰吾用子之諫先諫者不足動寡人之心。

諫築複道

蹕音必

漢惠帝三年以朝長樂宮數蹕煩民乃築複道武庫南叔孫通諫曰此高帝月出遊衣冠之道也子孫奈何乘宗廟道上行哉帝曰亟壞之通曰人主無過舉今百姓皆知之



願為原廟于渭北衣冠月出遊之益廣宗廟大孝之本乃  
詔有司立原廟

諫易太子

漢高祖還長安愈欲易太子叔孫通諫曰晉獻公以驪姬  
故廢太子國亂數千年秦以不蚤定扶蘇自使滅祀今必  
欲廢嫡而立少臣願先伏誅以頸血汚地

諫折羣臣

唐太宗文學辯敏羣臣言事者每引古今以折之劉洎上  
書諫曰以至愚而對至聖以極卑而對至尊虛襟以納其  
說猶恐未敢對揚况動神機縱天辯飾辭而折其理引古  
以排其議欲令凡庶何階應答

諫校獵

東漢桓帝六年校獵廣成遂至上林苑陳蕃諫曰安平之  
世遊畋宜有節况今有三空之厄哉田野空朝廷空倉庫  
空加之兵戎未戢四方離散是陛下焦心毀顏坐以待旦  
之時也豈宜揚旗耀武騁心輿馬之觀乎

諫贖生

唐中宗景龍元年遣使詣江淮贖生中書舍人李義諫曰  
江南鄉人採捕為業魚鱉之利黎元所資江湖生育無限  
府庫供支易殫與其拯物豈若憂人且鬻生之徒唯利斯  
視錢刀日至網罟年滋施之一朝營之百倍未若回救贖  
之錢物減貧無之徭賦活人愛國其福勝彼



諫伐高麗

高宗將伐高麗。李君球諫曰：臣聞國雖大好戰必亡。故兵者凶器，戰者危事。聖王重行之，畏人力之盡，恐府庫之殫，懼社稷之危，生忠國之患也。且高麗小醜，潛藏山海，得其人不足以彰聖化，棄其地不足以損天威。疏奏不報。

諫幸涼州

唐總章中，高宗將幸涼州。時隴右虛耗，議者以為非便。宰臣莫有對者。詳刑大夫來公敏進曰：高麗雖平，扶餘尚梗，西邊經略，兵猶未息。且隴右諸州人戶寡少，供備稍難。臣聞中外實有竊議，帝遂下詔停西幸。

諫幸九成宮

唐太宗將幸九成宮。馬周上疏諫曰：太上皇春秋已高，陛下宜朝夕侍膳，晨昏起居。今所幸宮去京師三百餘里，輿動輒俄，經旬日非可朝行夕至也。脫上皇情或思感，欲見陛下，將何以赴之？且今行只為避暑，而上皇尚留熱處，臣竊不安。太宗稱善。

諫設九部樂

唐高宗將會百官及命婦于宣政殿，并設九部樂。袁利貞諫曰：臣以前殿正寢，非命婦宴會之地。象闕路門，非倡優進御之所望。請命婦會于別殿，九部樂從東西門入，其散樂一切停省，即令移于麟德殿。

諫逐兎



唐太宗逐兔苑中。執失思力諫曰。陛下為四海父母。柰何自輕。臣竊殆之。帝異其言。後復逐鹿。脫巾帶固諫。帝為止。

諫捕禽

鵲鵲書  
交精

唐倪若水為汴州刺史。玄宗遣中官往淮南採捕鵲鵲。鵲及諸水禽。上疏諫曰。方今田夫擁耒。蠶婦持桑。而以此時採捕奇禽異鳥。供園池之觀。遠自江嶺。達于京師。道路觀者。莫不言陛下賤人而貴鳥。

鳴陽鳳

唐高宗造奉天宮。李善感上書極言。自褚遂良韓瑗之歿。中外以言為諱。幾二十年。善感始諫。時謂之鳳鳴朝陽。立仗馬。

唐李林甫欲蔽塞人主視聽。自專大權。明召諫官謂曰。明主在上。羣臣將順之。不暇焉。用多言。諸君不見立仗馬乎。終日無聲。而飫三品芻豆。一鳴輒斥。悔之何及。注云。飛龍廐。舊以八馬列宮門外。號南衙立仗馬。

諫奪民時

晉平公春築臺。叔向曰。古者聖王貴德而務施。緩刑辟而趨民時。今春築臺。是奪民時也。德不施而又奪其時。是重竭也。牧百姓而重竭之。豈所以定命安存。而稱為人君子後世哉。

諫失人心

宋英宗治平二年。京師大水。詔求直言。司馬光上疏曰。先



帝擢殿下于衆人之中。惟以一后數公主為託。而梓宮在嬪已失。太后歡心。長公主數人。屏居閒宮。此陛下所以失人心之始也。

### 諫避狄

唐時吐蕃入寇。關輔震騷。咸言帝欲避狄。齊映入諫曰。戎狄不懲。臣之罪也。然內外洶洶。謂陛下具糧遠避。柰何不與臣等計乎。因俯伏流涕。天子為感悟。

### 諫攻遼

宋徽宗宣和四年。朝散郎宋昭上書極言遼不可攻。金不可鄰。異時金必敗盟。為中國禍。乞誅王黼童貫趙良嗣等。奏二十疏。

抑音局

操音早

宋唐垆同知諫院。奏二十疏論時事。皆留中不出。垆乃因百官起居日。扣陛請對。遂大聲宣讀。凡六十條。大抵言王安石專作威福。曾布表裏擅權。文彥博馮京知而不言。王珪曲事安石。無異厮僕。薛向陳繹為安石顧指氣使。無異家奴。張璪李定為爪牙。張商英為鷹犬。讀已。再拜而退。侍臣衛士相顧失色。閣門糾其瀆亂朝儀。貶為潮州別駕。

### 上十九章

宋范鎮字景仁。知諫院。仁宗嘉祐初得疾。未有繼嗣。中外危恐。公奮然曰。天下事尚有大于此者乎。即上疏請建太子。前後章凡十九。上待命百餘日。鬚髮盡白。

### 綴兩省班



宋熙寧八年。同知諫院范百祿言。今脩起居注。直舍人院。則綴小兩省班。同知諫院。則絀而不與。非明職分。勤官守之意。詔令綴小兩省班。

賜五品服

宋歐文忠公脩慶曆中。增諫員。取敢言士。公首被選。以大常丞知諫院。賜五品服。

請諫紙

白居易與元稹書。僕為諫官。月請諫紙。有詩云。月慚諫紙三百張。

存諫藁

言行錄。宋韓魏國忠獻公琦為諫官三年。所存諫藁欲飲

而焚之。以效古人謹密之義。然恐無以見人主從諫之美。乃集七十餘章曰。諫垣存藁。自序其首。大畧曰。諫主於理。勝。而以至誠將之。

執簡立伺

宋劉元城安世。字器之。遍歷言路。每以辯是非邪正為先。其面折廷諍。至雷霆之怒。赫然則執簡却立。伺天威少霽。復前極論。一時奏對。且前且却。或至四五殿。廷觀者皆汗縮。竦聽。退則咨嗟嘆服。至以俚語目之曰。殿上虎。

奮筆立議

宋英宗治平二年。詔議崇奉濮王典禮。翰林學士王珪等相視莫敢先發。知諫院司馬光獨奮筆立議云。為人後者。



為之子。不得顧私親。若恭敬之心。分于彼。則不得專于此。秦漢以來。帝王有自旁支入承大統者。或推尊其父母。以為帝后。皆見非當時。取譏後世。臣等不敢引以為聖朝法。

### 力引石介

宋慶曆中。余請歐陽修蔡襄王素為諫官。時謂四諫。四人力引石介為諫官。范仲淹獨謂石介剛正。然性好奇異。若為諫官。必以難行之事責人君。少拂其意。則引裾折檻。叩頭流血。無所不至。主上雖富于春秋。然無失德。朝廷政事。亦自脩舉。安用如此諫官。諸公伏其言而罷。

### 力攻蔡京

宋陳忠肅公瓘。字瑩中。為司諫。先是因會朝見蔡京親曰

久而目不瞬。語人曰。京之精神如此。他日必貴。然矜其稟賦。敢敵太陽。吾恐此人必無君自肆。瓘尋居諫省。遂攻其惡。京聞。因所親以自解。瓘答之曰。杜詩所謂射人先射馬。擒賊先擒王。不得自巳也。遂攻之愈力。

### 進朋黨論

范仲淹貶知饒州。歐陽修及尹洙余靖皆以直仲淹見逐。羣邪目為黨人。于是朋黨之議起。歐陽修為朋黨論以進。改右正言。知制誥。仍知諫院。

### 言兵民計

范鎮知諫院。言中書主民。樞密主兵。三司主財。各不相知。故財已匱。而樞密益兵無窮。民已困。而三司取財不已。請



使中書樞密通知兵民財利大計與三司取制國用。

悉焚副章

宋田錫字表聖嘗曰吾立朝以來封章五十二奏皆諫臣任職之常事也豈可藏副示後謗時賣直悉取焚之。

不及私過

宋陳肅公瓘公在言路知無不言然議論持平務存大體其彈擊不以細故未嘗及人私過。

皆繫治體

宋任伯雨字德翁性剛鯁議勁正為諫官半載所上一百八疏皆繫天下治體號為顧章。

最切治道

呂氏家塾廣記王安石在臺閣侍從時每為上言唐太宗令諫官隨宰相入閣最切於治道後世所當遵行也及入司政事而孫莘老李公擇在諫職熟聞荆公此論遂列奏請舉行荆公不許曰是又益兩參知政事矣







書